

肉


麥

筋

藏

江蘇古籍出版社

羣書治要



江蘇古籍出版社

羣書治要 二

羣書治要卷第十一

秘書監鉅鹿男臣魏徵等奉 勅撰

史記上

木紀

黃帝者少典之子姓公孫

有熊國君少典之子也

名曰軒

轅生而神靈弱而能言幼而侑齊

侑疾也齊速也言聖德幼

而疾速也

長而敦敏成而聰明神農氏世衰諸侯相

侵伐而神農氏弗能征於是軒轅乃習用干戈

修穗振兵以與炎帝戰于阪泉之野

阪泉地名

三戰

然後得其志蚩尤作亂乃殺蚩尤而代神農氏

是爲黃帝東至于海西至于空桐山名也在隴右南至

于江北逐葷粥獫狁也邑于涿鹿之阿遷徙往來

無常處以師兵爲營衛置左右大監監于萬國

舉風后力牧常先大鴻以治民順天地之紀時

播百穀勞勤心力耳目節用水火材物有土德

之瑞故號黃帝帝王世紀曰神農氏衰蚩尤氏叛不用帝命黃帝於是脩德撫

民始垂衣裳以班上下剡木爲舟剡木爲楫

擊旂以待暴客斷木爲杵掘地爲臼杵臼之用以利萬人弦木爲弧剡木爲矢弧矢之利以威

天下諸侯咸叛神農而歸之、討蚩尤、氏、禽之于涿鹿之野、諸侯有不服者、從而征之、凡五十二戰、而天下大服、俯仰天地、置衆官、故以風后配上台、天老配中台、五聖配下台、謂之三公、其餘地典、力牧、常先、大鴻等、或以爲師、或以爲將、分掌四方、各如已視、故號曰黃帝四目、又使岐伯、葷味、草木、典醫疾、今經方本草之書咸出焉、其史倉頡、又象鳥迹、始作文字、自黃帝以上、允居而野處、死則厚衣以薪、葬之中野、結繩以治、及至黃帝、爲築宮室、上棟下宇、以待風雨、而易以棺槨、制以書契、百官以序、萬民以察、神而化之、使民不倦、後作雲門、咸池之樂、周禮所謂大咸者也、於是人事畢具、黃帝在位百年而崩、年百一十歲矣、或傳以爲仙、或言壽三百年、故宰我疑以問孔子、孔子曰、民賴其利、百年而崩、民畏其神、百年而亡、民用其教、百年而移、故曰三百

帝顓頊高陽者黃帝之孫昌意之子也養材以

任地載時以象天依鬼神以制義治氣以教化

絜誠以祭祀北至于幽陵南至于交趾西濟於

流沙東至於蟠木東海中有山焉名度索上有大桃樹屈蟠三千里也動

靜之物大小之神日月所照莫不砥屬砥平也四遠皆

平而來服屬也帝王世紀曰帝顓頊平九黎之

亂使南正重司天以屬神火正黎司地以屬民

於是民神不雜萬物有序

帝嚳高辛者高陽高辛皆所興地名也顓頊與嚳以字爲號上古質故也黃

帝之曾孫也生而神靈聰以知遠明以察微仁

而威惠而信、修身而天下服、取地之財而節用之、撫教萬民而利誨之、歷日月而迎送之、明鬼神而敬事之、其色郁郁、其德嶷嶷、其動也時、其服也士、日月所照、風雨所至、莫弗從服。帝王世

譽以人事紀官、故以句芒爲木正、祝融爲火正、華收爲金正、元冥爲水正、后土爲土正、是五行之官、分職而治。

帝堯放勛、其仁如天、其智如神、就之如日、望之如雲、富而不驕、貴而不舒。

帝王世紀曰、帝堯置

子養仲、養叔和仲和叔、分掌四時、方嶽之職、故名徵、天下大和、百姓無事、有五老人、擊壤於道。

舊無子
道二字
補之

觀者歎曰、大哉堯之德也、老人曰、日出而作、日入而息、鑿井而飲、耕田而食、帝力何有於我哉、
墨子以爲堯堂高三尺、土墼三等、茅茨不剪、桮棬不斲、夏服葛衣、冬服鹿裘、

虞舜名曰重華、父瞽叟頑、母嚚、弟象傲、皆欲殺舜、舜順適不失子道、以孝聞、於是堯乃以二女妻舜、以觀其內、使九男與處、以觀其外、二女不敢以貴驕、九男皆益篤、舜耕歷山、歷山之人皆讓畔、漁雷澤、雷澤上人皆讓居、陶河濱、河濱器皆不苦窳、窳、病也、一年而所居成聚、二年成邑、三年成都、於是堯乃試舜、五典百官皆治、以授百

事莫不時序、流四凶族、以禦螭魅、堯乃使舜攝

行天子政、堯崩、天下歸舜、

帝王世紀曰、舜立、誹謗之、木論曰、孔子稱

古者三皇五帝、設防而不犯、故無陷刑之民、是以或結繩而治、或象畫而化、自庖犧至于堯舜、神道設教、可謂至政、無所用刑矣、夫三載考績、黜陟幽明、善無微不著、惡無隱不章、任自然以誅賞、委羣心以就制、故能造御乎無爲、運道於至和、百姓日用而不知、含德若自有者也、詩云、上天之載、無聲無臭、其斯之謂乎、

夏禹、名曰文命、當堯之時、洪水滔天、舜登用、乃命禹平水土、勞身焦思、居外十三年、過家門不敢入、薄衣食、致孝于鬼神、卑宮室、致費於溝洫、

以開九州、通九道、陂九澤、度九山、行相地、宜所

有、以貢、東漸于海、西被于流沙、朔南暨朔北方也、聲

教、訖于四海、於是帝錫禹元圭、以告成功于天

下、於是大平治、帝舜薦禹於天、舜崩、遂卽天子

位、國號曰夏后、十七世、帝履癸立、是爲桀、不務

德、而武傷百姓、百姓弗堪、湯脩德、諸侯皆歸湯

湯遂伐桀、桀走鳴條、南夷地名、遂放而死、

湯始居亳、征諸侯、爲夏方伯得專征伐、葛伯不祀、湯始伐

之、湯曰、予有言、人視水視形、視民知治不、伊尹

曰、明哉言、能聽道廼進、君國子民爲善者在王
官、勉哉勉哉、湯出見野張網四面、祝曰、自天下
四方皆入吾網、湯曰、嘻、盡之矣、乃去其三面、祝
曰、欲左左、欲右右、不用命、乃入吾網、諸侯聞之
曰、湯德至矣、及禽獸、當是時、夏桀爲虐政淫荒、
湯乃伐桀、踐天子位、帝太戊立、伊陟爲相、
子也亳有祥、桑穀共生於朝、一暮大拱、
不恭也太戊懼、問伊陟曰、臣聞妖不勝德、帝之政
之罰其有闕與、帝其修德、太戊從之、而祥桑枯死、殷

復興故稱中宗帝辛立天下謂之紂帝紂資辦

捷疾聞見甚敏材力過人手格猛獸智足以拒

諫飾是非之端矜人臣以聲以爲皆出已之下

好酒淫樂嬖於婦人愛姐已有蘇氏美女也姐已之言

是從於是使師涓作新淫聲北里之舞靡靡之

樂厚賦稅以實鹿臺之錢鹿臺在朝歌城中也而盈鉅橋

之粟鉅橋鹿水之大橋也有漕粟益收狗馬奇物充仞官室

益廣沙丘苑臺沙丘在鉅鹿東北多取野獸飛鳥置其

中慢於鬼神以酒爲池懸肉爲林使男女裸相

逐其間、爲長夜之飲、百姓怨望、而諸侯有叛者、

於是紂廼重辟刑、有炮烙之法、

膏銅柱、加之炭上、令有罪者行

焉、輒墮炭中、姐已笑、名曰炮烙之刑也、

以西伯昌九侯

鄴縣有九侯城、鄂

侯爲三公、九侯有好女、入之紂、九侯女不憚淫、

紂怒殺之、而醢九侯、鄂侯爭之強、并脯鄂侯、西

伯昌聞之、竊歎、紂囚西伯姜里、

河內湯陰有姜里城、

西伯

之臣閔夭之徒、求美女奇物善馬以獻紂、紂廼

赦西伯、用費中爲政、費中善諛好利、殷人弗親、

又用惡來、善毀讒、諸侯以此益疏、多叛紂、微子

舊脫古
公卒至
季歷卒
九字補
之

數諫不聽，迺遂去。比干強諫，紂怒，剖比干觀其心。箕子懼，迺詳狂爲奴。紂又囚之。周武王於是遂率諸侯伐紂，紂走，衣其寶玉衣，赴火而死。武王遂斬紂頭，懸之白旗，殺妲己，殷民大悅。

周后稷名弃，好耕農，天下得其利，有功，封於邵。曾孫公劉修后稷之業，民賴其慶。古公復修后稷公劉之業，積德行義，國人皆戴之。古公卒，季伋立。季歷卒，子昌立，是爲西伯。西伯遵后稷公劉之業，則古公之法，敬老慈少，禮下賢者，日中

不暇食以待士士以此多歸之諸侯皆來決平於是虞芮之人有獄不能決乃如周入界耕者皆讓畔民俗皆讓長虞芮皆慙俱讓而去諸侯聞之曰西伯蓋受命之君也武王卽位太公望爲師周公旦爲輔召公畢公之徒左右王師修文王緒業聞紂昏亂暴虐滋甚於是伐紂紂師皆倒兵以戰武王遂入斬紂散鹿臺之錢發鉅橋之粟以振貧弱封諸侯班賜殷之器物縱馬於華山之陽放牛於桃林之墟偃干戈振兵釋

舊無財
求而利
其五字
補之

卷之十一

十一

旅

入曰振旅也

示天下不復用成康之際天下安寧

刑措四十餘年不用

措者置也民不犯法無所置刑也

穆王卽

位將征犬戎祭公謀父諫

祭畿內之國爲王卿士謀父字也

曰

不可先王耀德不觀兵戢而時動動則威觀則

玩玩則無震

震懼也

先王之於民也茂正其德而

厚其性阜其財求而利其器用明利害之鄉

鄉方

也以文修之使務利而避害懷德而畏威故能

保世以滋大昔我先王世后稷以服事虞夏奕

世載德丕忝前人至于文王武王昭前之光明

舊無有
不和則
修言六
字及注

而加之以慈和、事神保民、無不欣喜、商王帝辛

大惡于民、庶民不忍、欣戴武王、以致戎于商牧、

非務武也、勤恤民隱、而除其害也、夫先王之制、

邦內甸服、邦外侯服、侯衛賓服、此總言之也、侯

夷蠻要服、戎狄荒服、甸服者祭、侯服者祀、

供月賓服者享、供時要服者貢、供歲荒服者王、

詩云、莫敢日祭、月祀、時享、歲貢、終王、先王之順

祀、外傳云、先王之訓也、有不祭則脩意、先修志意、有不祀

則修言、言號有不享則修文、文典有不貢則修